

# SKIPULAGSSKRÁ

## fyrir Hagrannsóknastofnunina Freyju, Árnesi, Laugarbakka, Vestur-Húnavatnssýslu.

Markmið stofnanda, Bjarna Hannessonar, Árnesi, kt. 050742-5049, er að skapa aðstöðu fyrir haggagnabanka, gerð handbóka í þjóðhagfræði og nútímatúlkun hagtalna á raunvirði í verðbólguþjóðfélagi. Til þess verði lagt húsnæði og tæki til hagrannsókna og notuð sérhæfð forritun í tölvum, ásamt öðrum tilheyrandi tölvubúnaði.

### 1. gr.

Stofnunin heitir Hagrannsóknastofnunin Freyja.

Heimili og varnarþing er í Vestur-Húnavatnssýslu, nánar skilgreint í Árnesi, Laugarbakka, Ytri-Torfustaðahreppi, Vestur-Húnavatnssýslu.

### 2. gr.

Tilgangur stofnunarinnar er að skapa aðstöðu fyrir haggagnabanka, til ráðgjafar og til útgáfu á árbók um þjóðhagfræði og skal það gert með því að leggja til húsnæði og tækjabúnað.

### 3. gr.

Stofnfé er: Eignir, tölvubúnaður að verðmæti um 700 000 þús. kr., bókasafn og skýrslur um hagfræðileg málefni, um 350 bindi að verðmæti um 250 þús. kr., ýmis sérhæfð forrit og haggagnabanki fyrir tölvu að verðmæti um 300 000 þús. kr. og aðstöðuréttur sem er 10 ára leigusamningur á hluta húseignarinnar Árnesi, Laugarbakka, Vestur-Húnavatnssýslu. Að þeim tíma liðnum eða fyrr, verði húseignin öll eign stofnunarinnar sem gjöf, að fasteignamati kr. 941 000.

### 4. gr.

Tekjur stofnunarinnar eru sala á ráðgjöf, leiga tækja og/eða aðstöðu, þ.á m. hugsanlegur arður af starfsemi sem stofnunin kanna að reka í samræmi við tilgang sinn.

### 5. gr.

Stofnuninni stjórnar þriggja manna stjórn.

Samkvæmt ákvörðun stofnanda skal fyrsta stjórnin vera skipuð eftirfarandi 3 mönnum.

Bjarna Hannessyni, Árnesi, Laugarbakka, Vestur-Húnavatnssýslu, kt. 050742-5049.

Jóhönnu R. Eggertsdóttur, Þorkelshóli, Víðidal, Vestur-Húnavatnssýslu, kt. 070139-3409.

Elínu R. Líndal, Lækjamóti, Víðidal, Vestur-Húnavatnssýslu, kt. 240556-4569.

Endurskoðandi er Sigrún H. Jónsdóttir, Dalalandi 16, Reykjavík, kt. 081134-3409.

Hver stjórnarmanna tilnefnið varamann fyrir sig, sem tekur sæti í stjórninni í fjarveru aðalmanns eða í forföllum hans. Varamaður tekur síðan sæti aðalmanns í stjórninni við fráfall hans og tilnefnið síðan nýjan varamann og svo koll af kalli.

Tilnefning manns í stjórnina gildir ævilangt með þeim fyrirvara að stjórnarmaður getur sagt af sér. Ef hann óskar getur hann tilnefnt mann til setu í stjórn ef aðrir stjórnarmenn eru því samþykkir. Ef stjórnarmenn samþykkja ekki tilnefndan stjórnarmann skulu stjórnarmenn velja annan mann í stjórnina, þannig að hún verði fullskipuð.

Stjórn skal halda fundargerðarbók, þar sem bóka skal ákvarðanir stjórnar varðandi stofnunina, svo sem ráðstöfun fjár, rekstur og annað sem meðferð eigna og fjármuna hennar varðar.

Einfaldur meirihluti stjórnar ræður ákvörðunum innan stjórnarinnar. Stjórn hefur heimild til ráðningar starfsfólks eftir því sem rekstur stofnunarinnar gefur tilefni til.

## 6. gr.

Eignir og/eða fé stofnunarinnar skal vera í vörslu og á ábyrgð stjórnarinnar eða þess aðila sem hún kys til þess verks.

Reikningsár stofnunarinnar er almanaksárið. Gengið skal frá reikningi stofnunarinnar innan fjögurra mánaða frá lokum hvers reikningsárs. Reikningurinn skal vera endurskoðaður af til þess kjörnum endurskoðanda eða löggiltum endurskoðanda.

## 7. gr.

Skipulagsskrá þessari má breyta, ef það telst nauðsynlegt eða heppilegt vegna breyttra aðstæðna.

Engin breyting á skipulagsskránni fær þó gildi, nema stjórnin sé einhuga um hana. Breytingar á skipulagsskránni skulu hljóta samþykki dómsmálaráðuneytisins.

## 8. gr.

Ef rekstri er hætt einhverra hluta vegna t.d. við andlát stofnanda, brottflutning úr landi, eða af öðrum orsökum, þá er stjórn stofnunarinnar heimilt með hliðsjón af 6. gr. laga um sjóði og stofnanir nr. 19/1988 að hætta rekstri og selja eignir og skal andvirði þeirra verða notað til skógræktar í einhverju formi í eða við þéttbýliskjarna á Laugarbakka.

Skal sveitarstjórn í samráði við íbúa þéttbýliskjarnans ákveða hvernig með skuli farið.

## 9. gr.

Leita skal staðfestingar dómsmálaráðherra á skipulagsskrá þessari.

Skipulagsskrá þessi staðfestist hér með samkvæmt lögum um sjóði og stofnanir sem starfa samkvæmt staðfestri skipulagsskrá, nr. 19/1988.

*Dóms- og kirkjumálaráðuneytið, 11. september 1989.*

F. h. r.  
Jón Thors.

Fanney Óskarsdóttir.

**REGLUGERÐ**

**um breytingu á heilbrigðisreglugerð nr. 45/1972, sbr. breytingu nr. 716/1983.**

## 1. gr.

176 gr., 5. tl. orðist svo:

176.5. Öll heimaslátrun utan kaupstaða og kauptúna er óheimil. Ábúandi lögbýlis í strjálbýli má þó slátra hæfilegum fjölda af eigin búfé heima á lögbýlinu sé það eingöngu ætlað til heimilisnota á lögbýlinu. Með öllu er óheimilt að selja slíkt kjöt eða á annan hátt dreifa því frá lögbýlinu, t.d. til gjafa, vinnslu eða frystingar.

## 2. gr.

Reglugerð þessi sem sett er skv. 2. gr. laga nr. 81/1988, um hollustuhætti og heilbrigðis-  
eftirlit, öðlast gildi þegar við birtingu.

*Heilbrigðis- og tryggingamálaráðuneytið, 22. september 1989.*

**Guðmundur Bjarnason.**

Ingimar Sigurðsson.